

四庫全書

集部

欽定四庫全書

集部

李白文集卷十一至十三

詳校官侍郎臣謝墉  
檢討臣何思鈞覆勘

總校官庶吉士臣何思鈞

校對官中書臣李荃

謄錄進士臣唐棟

欽定四庫全書

李太白文集卷十一

唐李白撰

歌詩四十首

寄下

淮陰書懷寄王宗成一首

再至淮南一  
作王宋城

沙墩至梁苑二十五張寧大舶夾雙櫓中流鶩鸕鳴雲  
天掃空碧川岳涵餘清飛鳬從西來適與佳興并眷言

王喬鳥婉變故人情復此親懿會而增交道榮沉洄且  
不定飄忽悵徂征暝投淮陰宿欣得漂母迎斗酒烹黃  
鷄一食感素誠予為楚壯士不是魯諸生有德必報之  
千金恥為輕緬書羈孤意遠寄棹歌聲

聞王昌齡左遷龍標遙有此寄

揚州花落

一作楊  
花落盡

子規啼聞道龍標過五溪我寄愁心

與明月隨風直到夜郎西

寄王屋山人孟大融

我昔東海上，勞山餐紫霞。  
親見安期公，食棗大如瓜。  
中年謁漢主，不愜還歸家。  
朱顏謝春暉，白髮見生涯。  
所期就金液，飛步登雲車。  
願隨夫子天壇上，閒與仙人掃落花。

憶舊遊寄譙郡元參軍

金陵

憶昔洛陽董糟丘，  
為余天津橋南造酒樓。  
黃金白璧買歌笑，  
一醉累月輕王侯。  
海內賢豪青雲客，  
就中與君一作一見  
心莫逆。迴山轉海不作難，  
傾情倒意無所惜。我向

淮南攀桂枝君留洛北愁夢思不忍別還相隨相隨迢  
迢訪仙城三十六曲水迴縈一溪初入千花明萬壑度  
盡松風聲銀鞍金絡到平地漢東太守來相迎紫陽之  
真人邀我吹玉笙凌霞樓上動仙樂嘈然宛似鸞鳳鳴  
袖長管催欲輕舉漢中太守醉起舞一作漢東太  
守酣歌舞手持

錦抱覆我身我醉橫眠枕其股當筵意氣凌九霄星離  
雨散不終朝分飛楚闢山水遙余既還山尋故巢君亦  
歸家度渭橋君家嚴君勇貌虎作尹并州遏戎虜五月

相呼度太行。搖輪不道羊腸苦。行來北涼歲月深。感君  
貴義輕黃金。瓊杯綺食青玉按。使我醉飽無歸心。時時  
出向城西曲。晉祠流水如碧玉。浮舟弄水簫鼓鳴。微波  
龍鱗莎草綠。興來擣妓恣經過。其若楊花似雪何。紅一作如  
鮮粧欲醉宜斜日。一作花落百尺清潭寫翠娥。翠娥嬋娟  
初月輝。美人更唱舞羅衣。清風吹歌入空去。歌曲自繞  
行雲飛。此時行一作觀樂難再遇。西遊因獻長楊賦。北闕  
青雲不可期。東山白首一作髮還歸去。渭橋南頭一作水橋南

一遇君鄼臺之北又離羣問余別恨今多少落花春暮  
爭紛紛一作鶯飛求友滿芳樹落花送客何紛紛言情一作亦不可盡情言亦不可盡情言

月夜江行寄崔員外宗之

飄飄江風起蕭颯海樹秋登艤美清夜挂席移輕舟月  
隨碧山轉水合青天流杳如一作然星河上但覺雲林幽  
歸路方浩浩徂川去悠悠徒悲蕙草歇復聽菱歌愁岸  
曲迷後浦沙明瞰前洲懷君不可見望遠增離憂

宿白鷺洲寄楊江寧

朝別朱雀門，暮棲白鷺洲。波一作沙光搖海月星影入城。  
樓望美金陵，宰如思瓊樹。憂徒令魂作夢，翻覺夜成秋。  
綠水解人意，爲余西北流。因聲玉琴裏，蕩漾寄君愁。

新林浦阻風寄友人

一云金陵阻風  
書懷寄楊江寧

潮水定可信，天風難與期。清晨西北轉，薄暮東南吹。  
此難挂席佳，期益相思。一本云以此難挂席，因公頗淹遲，使索金陵書，又叨賢宰知絃  
止過客惠化聞京師海月破圓一作園，景蘋蔣生綠池。昨日北湖

梅開花已滿枝

一作昨日北湖  
花初開未滿枝

今朝

一作看

白門柳夾道

垂青絲歲物忽如此我來定

一作復

幾時紛紛江上雪草

草客中悲明發新林浦

一作板橋浦

空吟謝朓詩

寄韋南陵冰余江上乘興訪之遇尋顏尚書笑

有此贈

南船正東風北船來自緩江上相逢借問君語笑

一作聲

未了風吹斷聞君攜妓訪情人應為尚書不顧身堂上  
三千珠履客甕中百斛金陵春恨我阻此樂淹留楚

一作

江濱月色醉遠客  
山花開欲燃春風狂殺人一日劇  
三年乘興嫌太遲  
焚却子猷船夢見五柳枝已堪挂馬  
鞭何日到彭澤長一作狂  
歌陶令前

題情深樹寄象公

腸斷枝上猿淚添山下樽白雲見我去亦為我飛翻  
北山獨酌寄韋六

巢父將許由未聞買山隱道存跡自高何憚去人近紛  
吾下茲嶺地閒誼亦泯門橫羣岫開水鑿衆泉引屏高

而在雲竇深莫能準川光晝昏凝林氣夕淒緊於馬摘  
朱果兼得養玄牝坐月觀寶書拂霜弄瑞軫傾壺事幽  
酌顧影還獨盡念君風塵遊傲爾令自哂一作安知世  
上人名利空

蠹

寄當塗趙少府炎

晚登高樓望木落雙江清寒山饒積翠秀色連州城目  
送楚雲盡心悲胡鴈聲相思不可見迴首故人情

寄東魯二稚子

在金陵作

吳地桑葉綠吳蠶已三眠我家寄東魯誰種龜陰田春  
事已不及江行復茫然南風吹歸心飛墮酒樓前樓東  
一株桃枝葉拂青煙此樹我所種別來向三年桃今與  
樓齊我行尚未旋嬌女字平陽折花倚桃邊折花不見  
我淚下如流泉小兒名伯禽與姊亦齊肩雙行桃樹下  
撫背復誰憐念此失次第肝腸日憂煎裂素寫遠意因  
之汶陽川

獨酌青溪江石上寄權昭夷

秋浦

我攜一樽酒獨上江祖石自從天地開更長樂千尺舉  
杯向天笑天迴日西照永願坐此石長垂嚴陵釣寄謝  
山中人可與爾同調

禪房懷友人岑倫南遊羅浮兼泛桂海自春徂  
秋不返僕旅江外書情寄之

潯陽

嬋娟羅浮月搖艷桂水雲美人竟獨往而我安能羣一  
朝語笑隔萬里懽情分沉吟綵霞沒夢寐瓊芳歇歸鴻  
度三湘遊子在百越邊塵染衣劔白日凋華髮春氣變

楚關秋聲落吳山草木結悲緒風沙淒苦顏鵠來已永  
久頽思如循環飄飄限江裔想像空留滯離憂每醉心  
別淚徒盈袂坐愁青天末出望黃雲蔽目極何悠悠梅  
花南嶺頭空長滅征鳥水闊無還舟寶劍終難託金囊  
非易求歸來儻有問桂樹山之幽

廬山謠寄廬侍御虛舟

我本楚狂人鳳謌笑一本作哭孔丘手持綠玉杖一枝作朝別

黃鶴樓五嶽尋仙不辭遠一生好入名山遊廬山秀出

南斗傍屏風九疊雲錦張影落明湖青黛光金闕前開

二峯帳銀河倒挂

一作漏

三石梁香爐瀑布遙相望迴崖

脊嶂嶮

一作何

蒼蒼翠影紅霞映朝日

一作千里

鳥飛不到

吳天長登高壯觀天地間大江茫茫去不還黃雲萬里  
動風色白波九道流雪山好為廬山謠興因廬山發閒

窺石鏡清我心謝公行處蒼苔沒

一作綠蘿開處懸明月

早服還

丹無世情琴心三疊道初成遙見仙人綵雲裏手把芙蓉

朝玉京先期汗漫九垓上願接廬教遊太清

下尋陽城汎彭蠡寄黃判官

浪動灌嬰井尋陽一作吾知江上風開帆入天鏡直向彭湖

東落景轉疎雨晴雲散遠空名山發佳興一作返景照

遠空中流得佳興一作返景照疎雨輕煙澹

灑青壁遙清賞亦何窮石鏡挂遙月香爐滅彩虹一作瀑布

山挂彩虹相思俱對此舉目與君同

書情寄從弟邠州長史昭

自笑客行久我行定幾時綠楊已可折攀取最長枝翩

翩一作翻弄春色延佇寄相思誰言貴此物意願厚一作重

瓊筵昨夢見惠連朝吟謝公詩東風引碧草不覺生華  
池臨翫忽云夕杜鵑夜鳴悲懷君芳歲歇庭樹落紅滋

寄上吳王三首

淮王愛八公攜手綠雲中小子添枝葉亦攀丹桂叢謬  
以詞賦重而將枚馬同何日背淮水東之觀土風

坐嘯廬江靜閒聞進玉觴去時無一物東壁挂胡床

英明盧江守聲譽廣平籍掃灑黃金臺招邀青雲客客

曾與天通出入清禁中襄王憐宋玉願入蘭臺宮

寄王漢陽

南湖秋月白  
王宰夜相邀  
錦帳郎官醉  
羅衣舞女驕  
笛聲誼沔鄂  
歌曲上雲霄  
別後空愁我  
相思一水遙

春日歸山寄孟六浩然

朱紱遺塵境  
青山謁梵筵  
金繩開覺路  
寶筏渡迷川  
嶺樹攢飛拱  
嵒花覆谷泉  
塔形標海日  
樓勢出江煙  
香氣三天下  
鍾聲萬壑連  
荷秋珠已滿松  
密蓋初圓鳥聚疑  
聞法龍參若護禪  
愧非流水韻  
叨入伯牙絃

流夜郎永華寺寄潯陽羣官

流夜  
郎

朝別凌煙樓 賢豪滿行舟  
暝投永華寺 寶散予獨醉  
願結九江流 添成萬行淚  
寫意寄廬嶽 何當來此地  
天命有所懸 安得苦愁思

流夜郎至西塞驛寄裴隱

上  
峽

揚帆借天風 水驛苦不緩  
平明及西塞 已先投沙伴迴  
巒引羣峯 橫蹙楚山斷  
砍衝萬壑會 震杳百川滿  
龍怪潛溟波 候時救炎旱  
我行望雷雨 安得霑枯散  
鳥去天

路長人悲春光短空將澤畔吟寄爾江南管

自漢陽病酒歸寄王明府

回江夏

去歲左遷夜郎道琉璃硯水長枯槁今年勑放巫山陽  
蛟龍筆翰生輝光聖主還聽子虛賦相如却欲論文章  
願掃鸚鵡洲與君醉百場嘯起白雲飛七澤歌吟綠水  
動三湘莫惜連船沽美酒千金一擲買春芳

望漢陽柳色寄王宰

漢陽江上柳望客引東枝樹樹花如雪紛紛亂若絲春

風傳我意草木度前知一作草木發前墀寄謝絃歌宰西來定

未遲

江夏寄漢陽輔錄事

誰道此水廣狹如一匹練江夏黃鶴樓青山漢陽縣大語猶可聞故人難可見君草陳琳檄我書魯連箭報國有壯心龍顏不迴眷西飛精衛鳥東海何由填鷁角徒悲鳴樓船習征戰抽劍步霜月夜行空庭徧長呼結浮雲埋沒顧榮扇他日觀軍容投壺接高宴

早春寄王漢陽

聞道春還未相識走傍寒梅訪消息昨夜東風入武陽  
一作昌陌頭楊柳黃金色碧水浩浩雲茫茫美人不來空  
斷腸預拂青山一片石與君連日醉壺觴

江上寄元六林宗

漢水波浪遠巫山雲雨飛東風吹客夢西落此中時覺  
後思白帝佳人與我違瞿塘餽賈客音信莫令希

江上寄元六林宗

霜落江始寒楓葉綠未脫客行悲清秋永路苦不達滄  
波眇川汜白日隱天末停棹依林巒驚猿相叫聒夜分  
河漢轉起視溟漲閣涼風何蕭蕭流水鳴活活浦沙淨  
如洗海月明可掇蘭交空懷思瓊樹詎解渴昂哉滄洲  
心歲晚庶不奪幽賞頗自得興遠與誰豁

寄從弟宣州長史昭

爾佐宣城郡守官清且閒常誇雲月好邊我敬亭山五  
落洞庭葉三江遊未還相思不可見歎息損朱顏

涇溪東亭寄鄭少府諤

宣城

我遊東亭不見君  
沙上行將白鷺羣  
白鷺閒時散飛去  
又如雪點青山雲  
欲往涇溪不辭遠  
龍門蹙波虎眼轉  
杜鵑花開春已闌  
歸向陵陽釣魚晚

宣城九日聞崔四侍御與宇文太守遊敬亭余  
時登響山不同此賞醉後寄崔侍御二首

九日茱萸熟插鬢傷早  
白登高望山海滿目悲  
古昔遠訪投沙人因為逃  
名客故交竟誰在獨有崔  
亭伯重陽

不相知載酒任所適手持一枝菊調笑二千石日暮岸  
幘歸傳呼隘阡陌形襜雙白鹿賓從何輝赫夫子在其  
間遂成雲霄隔良辰與美景兩地方虛擲晚從南峯歸  
蘿月下水壁却登郡樓望松色寒轉碧咫尺一作望美不可  
親棄我如遺鳥

九卿天上落五馬道傍來列戟朱門曉褰帷碧嶂開登  
高望遠海召客得英才紫絲歡情洽黃花逸興催山從  
圖上見溪即一作向鏡中迴遙羨重陽作應過戲馬臺

寄崔侍御

宛溪霜夜聽猿愁去國長為不繫舟獨憐一鴈飛南海  
却羨雙溪解北流高人屢解陳蕃榻過客難登謝朓樓  
此處別離同落葉朝朝分散敬亭秋

涇溪南藍山下有落星潭可以卜築余泊舟石  
上寄何判官昌浩

藍岑竦天壁突兀如鯨額奔蹙橫澄潭勢吞落星石沙  
帶秋月明水搖寒山碧佳境宜緩棹清輝能留客恨君

阻歡遊使我自驚惕所期俱卜築結茅鍊金液

早過漆林渡寄萬巨

西經大藍山南來漆林渡水色倒空青林煙橫積素漏  
流昔吞翕沓浪競奔注潭落天上星龍開水中霧曉巘  
注公柵突兀陳焦墓嶺峭紛上干川明屢迴顧因思萬  
夫子解渴同瓊樹何日覩清光相觀詠佳句

遊敬亭寄崔侍御

一本作登古城望府中奉寄  
崔侍御其不同處悉重出

我家敬亭下輒繼謝公作一作我登謝公  
樓輒繼敬亭作相去數百年

風期宛如昨登高素秋月

一作高城  
素秋日

下望青山郭府中

鴻鷺羣

一作俯  
鴛鷺羣  
視

飲啄自鳴躍

夫子雖蹭蹬

瑤臺雪中

鶴獨立窺浮雲

其心在寥廓時來一顧我笑飯葵與藿

一作時來顧我笑  
一飯與葵藿

世路如秋風相逢盡蕭索腰間玉巨劔

意許無遺諾

一作願為經冬不逐天霜落

壯士不可輕疎

一作

相期在

雲閣

一作相隨  
集雲閣

三山望金陵寄殷淑

三山懷謝朓水澹

一作綠水

望長安蕪沒河陽縣秋江正北

看盧龍霜氣冷鶴鵠月光寒耿耿憶瓊樹天涯寄一歡

自金陵泝流過白璧山翫月達天門寄句容王

主簿

滄江泝流歸白璧見秋月秋月照白璧皓如山陰雪幽  
人停宵征賈客忘早發進帆天門山迴首牛渚沒川長  
信風來日出宿霧歇故人在咫尺新賞成胡越寄君青  
蘭花蕙好庶不絕

李太白文集卷十一

欽定四庫全書

李太白文集卷十二

唐李白撰

歌詩三十六首

別

秋日魯郡堯祠亭上宴別杜補闕范侍御魯中

我覺秋興逸誰云秋興悲山將落日去水與晴空宜魯  
酒白玉壺送行駐金羈歇鞍憇古木解帶挂橫枝歌鼓

川上亭曲度神飈吹

一本无歌鼓川上亭曲度神飈吹

姬清波忽澹蕩白雪紛遠迤一  
隔范杜遊此歡各棄遺三韻

雲歸碧海夕鴈沒青天

時相失各萬里茫然空爾思

留別魯頌

誰道太山高下却魯連節誰云秦軍衆摧却魯連舌獨  
立天地間清風灑蘭雪夫子還倜儻攻文繼前烈錯落  
石上松無為秋霜折贈言鏤寶刀千歲庶不滅

別中都明府兄

吾兄詩酒繼陶君，試宰中都天下聞。  
東樓喜奉連枝會，南陌還為落葉分。  
城隅一作江城渌水明秋日，海上青山隔暮雲。  
取醉不辭留夜月，鴈行中斷惜離羣。

夢遊天姥吟留別

一作別東  
魯諸公

海客談瀛洲，煙濤微茫一作渺茫。  
一作潤漫信難求，越人語一作道天姥。  
雲霓明滅或一作安可覩，天姥連天向天橫。  
勢拔一作枝五岳掩赤城，天台四萬八千丈。  
對此欲絕倒東南，傾我欲因之。  
冥搜一作夢吳越，一夜飛度鏡湖月。  
湖月照我影，送我至剡溪。

我至剡谿謝公宿處今尚在渌水蕩漾清猿啼脚著謝  
公屐身登青雲梯半壁見海日空中聞天雞千巖萬轉  
路不定迷花倚石忽已暝熊咆龍吟殷巖泉慄深林兮  
驚層巔雲一作楓青青兮欲雨水澹澹兮生煙列缺霹靂  
丘巒崩摧洞天石扇一作扉訇然中一作而開青冥浩蕩不  
見底日月照耀金銀臺霓為衣兮風為馬雲之君兮紛  
紛而來下虎鼓瑟兮鸞回車仙之人兮列如麻忽魂悸  
以魄動悅驚起而長嗟惟覺時之枕席失向來之煙霞

世間行樂亦如此古來萬事東流水別君去兮何時還  
且放白鹿青崖間湏行即騎訪名山安能摧眉折腰事  
權貴使我不得開心顏

留別曹南羣官之江南

我昔釣白龍放龍溪水傍道成本欲去揮手凌蒼蒼時  
來不關人談笑遊軒皇獻納少成事歸休辭建章十年  
罷西笑覽鏡如秋霜閉劔琉璃匣鍊丹紫翠房身佩豁  
落圖腰垂虎盤纍仙人借綵鳳志在窮遐荒戀子四五

人徘徊未翹翔東流送白日驟歌蘭蕙芳仙宮兩無從  
人間久摧藏范蠡脫勾踐屈平去懷王飄飄紫霞心流  
浪憶江鄉愁為萬里別復此一衡觴淮水帝王州金陵  
繞丹陽樓臺照海色衣馬搖川光及此北望君相思淚  
成行朝雲落夢渚瑤草空高唐帝子隔洞庭青楓滿瀟  
湘懷歸路緜邈覽古情淒涼登岳眺百川杳然萬恨長  
却戀峨眉去弄景偶騎羊

留別于十一兄逖裴十三遊塞垣

太公渭川水李斯上蔡門釣周獵秦安黎元小魚覩鬼  
何足言天張雲卷有時節吾徒莫歎羝觸藩于公白首  
大梁野使人悵望何可論既知朱亥為壯士且願束心  
秋毫裏秦趙虎爭血中原當去抱關救公子裴生覽千  
古龍鸞炳天章悲一作高吟雨雪動林木放書輟劖思  
悲高堂勸爾一盃酒拂爾裘上霜爾為我楚舞吾為爾  
楚歌且探虎穴向沙漠鳴鞭走馬凌黃河恥作易水別  
臨歧淚滂沱

留別王司馬嵩

魯連賣談笑，宣是顧千金。  
陶朱雖相越，本有五湖心。  
余亦南陽子，時為梁甫吟。  
蒼山容偃蹇，白日惜頽侵。  
願一佐明主，功成還舊林。  
西來何所為，孤劍託知音。  
鳥愛碧山遠，  
一作鳳集  
碧梧秀魚遊滄海深。  
呼鷹過上蔡，賣畚向嵩岑。  
他日閒相訪，丘中有素琴。

還山留別金門知已

一本云出金門後書  
懷留別翰林諸公

好古笑流俗，素聞賢達風。  
方希佐明主，長揖辭成功。  
白

日在青天迴光矚一作照 微躬恭承鳳凰詔歛起雲羅一

藤蘿 中清切紫霄迥優遊丹禁通君王賜顏色聲價凌烟

虹乘輿擁翠蓋扈從金城東寶馬驟一作麗 絶景錦衣入

新豐倚巖望松雪對酒鳴絲桐方一作因 學揚子雲獻賦

甘泉宮天書美片善清芳一作芬 摻無窮歸來入咸陽譚

笑皆王公一朝去金馬飄落成飛蓬賓友一作役 日疎散

玉罇亦一作尋 已空長才一作才力 猶可倚不慙世上雄閒來

東武吟曲盡情未終書此謝知已扁舟一作滄波 尋釣翁

夜別張五

吾多張公子別酌，酣高堂聽歌舞。  
銀燭把酒輕羅霜，橫笛弄秋月。  
琵琶彈陌桑龍泉，解錦帶為爾傾千觴。

魏郡別蘇少府因北游

魏都接燕趙，美女誇芙蓉。  
淇水流碧玉，舟車日奔衝。  
青樓夾兩岸，萬室喧歌鍾。  
一作豪貴一作遊天下稱豪貴。  
一作豪遊此一作此中

每相逢洛陽蘇季子，劍戟森詞鋒。  
六印雖未佩，一作說趙復過

泰軒車若飛龍，黃金數百鎰。  
白璧有樂雙，散盡空掉臂。

高歌賦還一作臨 叩合從又連橫其意未可封落拓乃如

此何

一作誰

人不相從遠別隔兩河雲山沓千重

一作雲天滿愁

容何時更盃酒再得論心曾

留別西河劉少府

秋一作我

一作

髮已種種所為竟無成閒傾魯壺酒笑對劉公

榮謂我是方朔人間落歲星白衣千萬乘何事去天庭

君亦不得意高歌美鴻冥世人若醯雞安可識梅生雖  
為刀筆吏緬懷在赤城余亦如流萍隨波樂休明自有

雨少妾雙騎駿馬行東山春酒綠歸隱謝浮名

潁陽別元丹丘之淮陽

河南

吾將元夫子異姓為天倫本無軒裳契素以烟霞親嘗  
恨迫世網銘意俱未伸松柏雖寒苦羞逐桃李春悠悠  
市朝間玉顏日緇磷所共重山岳所得輕埃塵精魄漸  
蕪穢衰老相憑因我有錦囊訣可以持君身當餐黃金  
藥去為紫陽賓萬事難並立百年猶崇晨別爾東南去  
悠悠多悲辛前志庶不易遠途期所遵已矣歸去來白

雲飛天津

留別廣陵諸公

淮南一作留  
別邯鄲故人

憶昔作少年結交趙與燕金羈絡駿馬錦帶橫龍泉寸心無疑事所向非徒然晚節覺此疎獵精草太玄空名束壯士薄俗棄高賢中迴聖明顧揮翰凌雲煙騎虎不敢下攀龍忽墮天還家守清真孤潔勵秋蟬鍊丹費火石採藥窮山川臥海不關人租稅遼東田乘興忽復起棹我溪中船臨醉謝葛疆山公欲倒鞭狂歌自此別垂

釣滄浪前

廣陵贈別

玉瓶沽美酒數里送君還繫馬垂楊下銜盃大道間天  
邊看綠水海上見青山興罷各分袂何須醉別顏

感時留別從兄徐王延年

一作延平從弟延陵

天籟何參差噫然大塊吹玄元苞橐籥紫氣何逶迤

一作

融怡七葉運皇化千齡光本支仙風生指樹大雅歌螽斯

諸王若鸞蚪肅穆列藩維哲兄錫茅土聖代含榮滋九

卿領徐方七步繼陳思伊昔全盛日雄豪動京師冠劍  
朝鳳闕樓船侍龍池鼓鐘出朱邸金翠照丹墀君王一  
顧盼選色獻蛾眉列戟十八年未曾輒遷移大臣小喑  
鳴謫竄天南垂長沙不足舞貝錦且成詩佐郡浙江西  
病閒絕趨馳階軒日苔蘚鳥雀噪簷帷時乘平肩輿出  
入畏人知北宅聊偃憩歡愉恤惄惄羞言梁苑地烜赫  
耀旌旗兄弟八九人吳秦各分離大賢達機兆豈獨慮  
安危小子謝麟閣鴈行忝肩隨令弟字延陵鳳毛出天

姿清英神仙骨芬馥茝蘭蕤夢得春草句將非惠連誰  
深心紫河車與我特相宜金膏猶罔象玉液尚磷縕伏  
枕寄賓館宛同清漳渭藥物多見饋珍羞亦兼之誰道  
溟渤深猶言淺恩慈鳴蟬游子意促織念歸期騎陽何  
火赫海水爍龍龜百川盡凋枯舟檝閣中達策馬採涼  
月通宵出郊歧泣別目眷眷傷心步遲遲願言保明德  
王室佇清夷摻袂何所道援毫投此辭

別儲邕之剡中

借問剡中道東南指越鄉舟從廣陵去水入會稽長竹  
色溪下綠荷花靜裏香辭君向天姥拂石臥秋霜

留別金陵諸公

金

陵

海水昔飛動三龍紛戰爭鍾山危波瀾傾側駭奔鯨黃  
旗一掃蕩割壤開吳京六代更霸王遺跡見都城一作遺都  
見空城至今秦淮間禮樂秀羣英地扇鄒魯學詩騰顏謝  
名五月金陵西祖余白下亭欲尋盧峯頂先繞漢水行  
香爐紫煙滅瀑布落太清若攀星辰去揮手緬含情

口號

食出野田美酒臨遠水傾東流若未盡應見別離情

金陵酒肆留別

白門柳花滿一作酒

店香吳姬壓酒喚客嘗金陵子弟來

相送欲行不行各盡觴請君問取東流水別意與之誰  
短長

金陵白下亭留別

驛亭三楊樹正當白下門吳煙暝長條漢水齧古根向

來送行處迴首阻笑言別後若見之為余一攀翻

別東林寺僧

東林送客處月出自白猿啼笑別廬山遠何煩過虎谿

竄夜郎於烏江留別宗十六環

疑烏江及  
宗字誤

君家金盛日台鼎何陸離斬鰲翼媧皇鍊石補天維一  
迴日月顧三入鳳凰池失勢青門傍種瓜復幾時猶會  
舊賓客三千光路歧皇恩雪憤邁松柏含榮滋我非東  
牀人令姊忝齊眉浪迹未出世空名動京師適遭雲羅

解翻謫一作遣

夜郎悲拙妻莫邪劍及此二龍隨慙君湍

波苦千里遠從之白帝曉猿斷黃牛過客遲遙瞻明月  
峽西去益相思

留別龔處士

龍亭棲閒地都無人世喧柳深陶令宅竹暗辟彊園我  
去黃牛峽遙愁白帝猿贈君卷施草心斷竟何言

贈別鄭判官

竄逐勿復哀慙君問寒灰浮雲無本意吹落章華臺遠

別淚空盡長愁心已摧三年吟澤畔顛願幾時迴

黃鶴樓送孟浩然之廣陵

江夏岳

故人西辭黃鶴樓烟花三月下揚州孤帆遠影一作映碧山盡唯見長江天際流

將遊衡岳過漢陽雙松亭留別族弟浮屠談皓  
秦欺趙氏璧却入邯鄲宮本是楚家玉還來荆山中符  
彩照滄溟精輝陵白虹青蠅一相點流落此時同卓絕  
道門秀談玄乃支公延蘿結幽居剪竹繞芳叢涼花拂

戶牖天籟

一作樂

鳴虛空憶我初來時蒲萄開景風今茲

大火落秋葉黃梧桐水色夢沅湘長沙去何窮寄書訪  
衡嶠但與南飛鴻

江夏別宋之悌

楚水清若空遙將碧海通人分千里外興在一盃中谷  
鳥吟晴日江猿嘯晚風平生不下淚於此泣無窮

留別賈舍人至二首

大梁白雲起飄飄來南洲徘徊蒼梧野十見羅浮秋鼈

抃山海傾四溟揚洪流意欲託孤鳳從之摩天遊鳳苦  
道路難翹翔還崑丘不肯銜我去哀鳴慙不周遠客謝  
主人明珠難暗投拂拭倚天劒西登岳陽樓長嘯萬里  
風掃清胷中憂誰念劉越石化為繞指柔

秋風吹胡霜凋此簷下芳折芳怨歲晚離別悽以傷謬  
攀青瑣賢延我於此堂君為長沙客我獨之夜郎勸此  
一盃酒豈唯道路長割珠兩分贈寸心貴不忘何必兒  
女仁相看淚成行

渡荆門送別

荆

渡遠荆門外來從楚國遊山隨平野盡江入大荒流月  
下飛天鏡雲生結海樓仍憐故鄉水萬里送行舟

聞李太尉大舉秦兵百萬出征東南懦夫請纓  
冀申一割之用半道病還留別金陵崔侍御十

九韻

復至金陵

秦出天下兵蹴踏燕趙傾黃河飲馬竭赤羽連天明太  
尉杖旄鉞雲旗繞彭城三軍受號令千里肅雷霆函谷

絕飛鳥武關擁連營意在斬巨鼴何論鱠長鯨一作鯢與鯨

恨無左車畧多愧魯連生拂劍照嚴霜彫戈漫胡纓願

雪會稽恥將期報恩榮半道謝病還無因一作由東南征

亞夫未見顧劇孟阻先行天奪壯士心長吁別吳京金

陵遇太守倒履欣一作相逢迎羣公咸祖餞四座羅朝英

初發臨滄觀醉栖征虜亭舊國見秋月長江流寒聲帝

車一作居信迴轉河漢縱復橫孤鳳向西海飛鴻辭北溟

因之出寥廓揮手謝公卿

別韋少府

宣州

西出蒼龍門南登白鹿原欲尋南一作商山皓猶戀漢皇

恩水國遠行邁仙經深討論洗心向溪月清耳敬亭猿  
築室在人境閉關無世誼多君枉高駕贈我以微言交  
乃意氣合道因風雅存別離有相思瑤瑟與金樽

南陵別兒童入京

一云古意

白酒新一作初熟山中歸黃雞啄黍秋正肥呼童烹雞酌  
白酒兒女歌笑牽人衣高歌取醉欲自慰起舞落日爭

光輝遊說萬乘苦不早著鞭跨馬涉遠道會稽愚婦輕  
買臣余亦辭家西一作方入秦仰天大笑出門去我輩豈  
是蓬蒿人

南陵五松山別荀七

六即頰水苟無慙許郡賓相逢太史奏應是聚賢人玉  
隱且在石蘭枯還見春俄成萬里別立德貴清真

別山僧

涇縣作

何處名僧到水西乘舟一作盈弄月宿涇溪平明別我上

山去手攜金策踏雲梯騰身轉覺三天近舉足迴看萬  
嶺低謔浪肯居支遁下風流還與遠公齊此度別離何  
日見相思一夜暝猿啼

贈別王山人歸布山

王子析道論微言破秋毫還歸布山隱興入天雲高爾  
去安可遲瑤草恐衰歇我心亦懷歸屢夢松上月皎然  
遂獨往長嘯開巖扉林壑久已蕪石道生薔薇願言弄  
笙鶴歲晚來相依



李太白文集卷十二

欽定四庫全書

李太白文集卷十三

唐李白撰

歌詩三十五首

送 上

南陽送客

楚漢

斗酒勿與薄寸心貴不忘坐惜故人去偏令遊子傷離  
顏怨芳草春思結垂楊揮手再三別臨岐空斷腸

送張舍人之江東

淮南

張翰江東去正值秋風時天清

一作晴

一鴈遠海闊孤帆

遲白日行欲暮滄波杳難期

一作晚

欲暮

杳

難期

吳洲好

一作已

吳洲好

一作作

吳洲好

一作作

吳洲好

如見月千里幸相思

送王屋山人魏萬還王屋

附魏詩

王屋山人魏萬云自嵩宋汎吳相訪數千里不遇乘  
興遊台越經永嘉觀謝公石門後於廣陵相見美其  
愛文好古浪跡方外因述其行而贈是詩

一作見王屋山魏萬

云自嵩歷充遊梁入吳計程三千里相訪不遇因下江東尋諸名山往復百越後於廣陵一面遂乘興共過金陵美此公愛奇好古獨往物表因述其行李遂有此贈

仙人東方生浩蕩弄雲海沛然乘天遊獨往失所在  
一作  
東方不辭家獨訪紫泥海魏侯繼大名本家聊攝城卷時人少相逢往往失所在  
一作  
仙隱跡與古賢并十三弄文史揮筆如振

綺辯折田巴生心齊魯連子西涉清洛源頗驚人世誼採秀臥王屋因窺洞天門竭來遊嵩峯羽容何雙雙朝攜月光子暮宿玉女牕鬼谷上窈窕龍潭下奔湧東浮

汴河水訪我三千里逸興滿吳雲飄颻浙江汜揮手杭  
越間樟亭望潮還濤卷海門石雪橫天際山白馬走素  
車雷奔駭心顏遙聞會稽美一弄一作且度耶谿水萬壑與

千巖崕嶧鏡湖裏秀色不可名清輝滿江城人遊月邊  
去舟在空中行此中久延佇入剡尋王許笑讀曹娥碑  
沉吟黃絹語天台連四明日入向國清五峯轉月色百  
里行松聲靈溪恣沿越華頂殊超忽石梁橫青天側足  
履半月眷一作忽然思永嘉不憚海路賒挂席歷海嶠迴

瞻赤城霞赤城漸微沒孤嶼前燒兀水續萬古流亭空  
千霜月縉雲川谷難石門最可觀瀑布挂北斗莫窮此  
水端噴壁灑素雪空濛生晝寒却尋惡溪去寧懼惡溪  
惡咆哮七十灘水石相噴薄路創李北海李公邕昔為  
括州開此嶺

路巖開謝康樂

惡溪有謝康樂題詩處一作  
嶺路始北海巖詩題康樂

松風和猿

聲搜索連洞壑徑出

一作岸接

梅花橋雙溪納歸潮落帆金

華岸赤松若可招沈約八詠樓城西孤峯峩峩四荒  
外曠望羣川會雲卷天地開波連浙西大亂流新安口

北指嚴光瀨釣臺碧雲中邈與蒼梧對稍稍來吳都徘徊上姑蘇煙縣橫九疑滻蕩一作盪見五湖目極心更遠

則

悲歌但長吁迴橈楚江濱揮策揚子津身著日本裘

裘

朝卿所贈日  
本布為之 昂藏出風塵五月造我語知非臺儕人相

逢樂無限水石日在眼徒干五諸侯不致百金產吾友

揚子雲絃歌播清芬雖為江寧宰好與山公羣乘興但

一行且知我愛君君來幾何時仙臺應有期東臘綠玉樹定長三五枝至一作如 今天壇人當笑爾歸遲我苦惜

遠別茫然使心悲  
黃河若不斷白首長相思

金陵酬翰林謫仙子

王屋山人魏萬

君抱碧海珠我懷藍田玉各稱希代寶萬里遙相燭長  
卿慕蘭父子猷意已深平生風雲人暗合江海心去秋  
忽乘興命駕來東土謫仙遊梁園愛子在鄒魯二處一  
不見拂衣向江東五兩挂淮月扁舟隨海風南遊吳越  
徧高揖二千石雪上天台山春逢翰林伯宣父敬項橐

林宗重黃生一長復一少相看如弟兄惕然意不盡更  
逐西南去同舟入秦淮建業龍盤處楚歌對吳酒借問  
承恩初宮買長門賦天迎駟馬車才高世難容道廢可  
推命安石重攜妓子房空謝病金陵百萬戶六代帝王  
都虎丘踞西江鍾山臨北湖湖山信為美玉屋人相待  
應為歧路多不知歲寒在君遊早晚還勿久風塵間此  
別未遠別秋期到仙山

送當塗趙少府赴長蘆

我來楊都市送客迴輕舠因誇吳太子便覩廣陵濤仙  
尉趙家玉英風凌四豪維舟至長蘆目送煙雲高搖扇  
對酒樓持袂把蟹螯前途儻相思登獄一長謠

送友人尋越中山水

聞道稽山去偏宜謝客才千巖泉灑落萬壑樹紫迴東  
海橫秦望西陵遶越臺湖清霜鏡曉濤白雪山來八月  
枚乘筆三吳張翰盃此中多逸興早晚向天台

送族弟凝之滁求婚崔氏

與爾情不淺忘筌已得魚玉臺挂寶鏡持此意何如坦  
腹東牀下由來志氣疎遙知向前路擲果定盈車

送友人遊梅湖

送君遊梅湖應見梅花發有使寄我來無令紅芳歇暫  
行新林浦定醉金陵月莫惜一鴈書音塵坐胡越

送崔十二遊天竺寺

還聞天竺寺夢想懷東越每年海樹霜桂子落秋月送  
君遊此地已屬流芳歇待我來歲行相隨浮溟渤

送楊山人歸天台

客有思天台東行路超忽濤落浙江秋沙明浦陽月今  
遊方厭楚昨夢先歸越且盡秉燭歡無辭凌晨發我家  
小阮賢剖竹赤城邊詩人多見重官燭未曾然興引登  
山屐情催汎海船石橋如可度攜手弄雲煙

送溫處士歸黃山白鶯峯舊居

黃山四千仞三十二蓮峯丹崖夾石柱菡萏金芙蓉伊  
昔昇絕頂下窺天目松仙人鍊玉處羽化留餘蹤亦聞

溫伯雪一作雲獨往今相逢採秀辭五嶽攀巖歷萬重歸

休白鶩嶺渴飲丹砂井鳳吹我時來雲車爾當整去去  
陵陽東行行芳桂叢迴谿十六度碧嶂盡晴空他日還  
相訪乘橋躡綵虹

送方士趙叟之東平

長桑晚洞視五藏無全牛趙叟得祕訣還從方士遊西  
過獲麟臺為我弔孔丘念別復懷古潛然空淚流

送韓準裴政一作正孔巢父還山魯中

獵客張兔罝不能挂龍虎所以青雲人高歌一作臥在巖

戶韓生信英

一作豪

彥裴子含清真孔侯復秀出俱與雲

霞親峻節凌遠松同衾臥盤石斧冰漱寒泉三子同一作

傳二屐時時或乘興往往去去一作雲無心出山揖牧伯長

嘯輕衣簪昨宵夢裏還云弄竹溪月今晨曾東門帳飲  
與君別雪崖滑去馬蘿逕迷歸人相思若煙草歷亂無

冬春

送楊少府赴選

大國置衡鏡準平天地心羣賢無邪人朗鑒窮清深吾  
君詠南風袞冕彈鳴琴時泰多美士京國會纓簪山苗  
落澗底幽松出高岑夫子有盛才主司得球琳流水非  
鄭曲前行遇知音衣工剪綺繡一悵傷千金何惜刀尺  
餘不裁寒女衾我非彈冠者感別但開襟空谷無白駒  
賢人豈悲吟大道安弃物時來或招尋爾見山吏部當  
應無陸沉

對雪奉餞任城六父秩滿歸京

龍虎謝鞭策鴛鸞不司晨君看海上鶴何似籠中鶉獨  
用天地心浮雲乃吾身雖將簪組狎若與煙霞親季父  
有英風白眉超常倫一官即夢寐脫屣歸西秦賣公散  
華筵墨客盡來臻燕歌落胡鴈郢曲迴陽春征馬百度  
嘶遊車動行塵躊躇未忍去戀此四座人餞離駐高駕  
惜別空慙慙何時竹林下更與步兵鄰

魯郡堯祠送吳五之琅琊

堯沒三千歲青松古廟存送行奠桂酒拜舞清心魄日

色促歸人連歌倒芳樽馬嘶俱醉起分首更何言

魯郡堯祠送竇明府薄華還西京

時久病初起作

朝策犧肩駕舉鞭力不堪強扶愁疾向何處角巾微服  
一作步

堯祠南長楊掃地不見日石門噴作金沙潭笑誇

一作笑謔伯明

指絕鏡山光水色青於藍廟中往往來擊

鼓堯本無心爾何苦門前長跪雙石人有女如花日歌

舞銀鞭繡轂往復迴簾林蹶石鳴風雷遠煙空翠時明

滅白鷗歷亂長飛雪紅泥亭子赤

一作朱

欄干碧流環轉

青錦湍深沉百丈洞海底那知不有蛟龍盤君不見綠珠潭水流東海綠水紅粉沉光彩一作白首同歸屬光彩綠珠樓

下花滿園今日曾無一枝在昨夜秋聲閭闈來洞庭木

落騷人哀遂將三五少年輩登高送遠一作遠望形神開生

前一笑輕九鼎魏武何悲銅雀臺我歌白雲倚牕牖一作

大開口爾聞其聲但揮手長風吹月渡海來遙勸仙人一

盃酒酒中樂酣宵向分舉觴酌堯堯可聞何不令臯繇

一作陶擁篲橫八極直上青天揮一作掃浮雲高陽小飲真

瑣瑣山公酩酊何如我竹林七子去道賒蘭亭雄筆安  
足誇堯祠笑殺五鏡一作鏡湖水至今憔悴空荷花爾向西

秦我東越暫向瀛洲訪金闕藍田太白若可期為余掃

灑石上月

金鄉送韋八之西京

客自長安來還歸長安去狂一作秋風吹我心西挂咸陽

樹此情不可道論一作此別何時遇望望不見君連山起

煙霧

送薛九被讒去魯

宋人不辨玉魯賤東家丘我笑薛夫子一作而我胡為

兩地遊黃金消衆口白璧竟難換梧桐生蒺藜綠竹乏

佳實鳳凰宿誰家遂與羣雞匹一作方家養老馬窮士

歸其門蛾眉笑璧者賓客去平原却斬美人首三千還

駿奔毛公一挺劍楚趙兩相存孟嘗習一作悅狡兔三窟

賴馮謾信陵奪兵符為用侯生言一作朱生擊晉鄙為感信陵恩春申

一何愚刎首為李園賢哉四公子撫掌黃泉裏借問笑

何人笑人不好士爾去且勿誼一作論桃花竟何言沙丘無漂母誰肯飯王孫

席

單父東樓秋夜送族弟一作西京時凝弟在

爾從咸陽來問我何勞苦沐猴而冠不足言身騎土牛滯東魯况弟欲行凝弟留孤飛一鴈秦雲秋坐來黃葉落四五北斗已一作稍桂西城樓絲桐感人絃亦一作已絕滿堂送客皆惜別卷簾見月清興來疑是山陰夜中雪

明日斗酒別惆悵清路塵遙望長安日不見長安人長

安宮闕九天上此地曾經為近臣一朝復一朝白髮心

不改屈平顛頽滯江潭亭伯流離放遼海折翮翻飛隨

轉蓬

一作翼短天  
長去不窮

聞弦虛墜下霜空聖朝久棄青雲士

他日誰憐張長公

一作誰肯相  
恩張長公

送族弟凝至晏堌單父三十里

雪滿原野白戎裝出盤遊揮鞭布獵騎四顧登高丘兔  
起馬足間蒼鷹下平疇喧呼相馳逐取樂銷人憂捨此

戒禽荒徵聲列齊謳鳴雞發晏堌別鴈驚來溝西行有  
東音寄與長河流

魯城北郭曲腰桑下送張子還嵩陽

送別枯桑下凋葉落半空我行憮道遠爾獨知天風誰  
念張仲蔚還依蒿與蓬何時一盃酒更與李膺同

送魯郡劉長史遷弘農長史

魯國一杯水難容橫海鱗仲尼且不敬况乃尋常人白  
玉換斗粟黃金買尺薪閉門木葉下始覺秋非春聞君

向西遷地即鼎湖鄰寶鏡匣蒼鮮丹經埋素塵軒后上  
天時攀龍遺一作唯小臣及此留惠愛庶幾風化淳魯縞

如白煙五縑不成束臨行贈貧交一尺重山岳相國齊  
晏子贈行不及言託陰當樹李忘憂當樹萱他日見張  
祿綿袍懷舊恩

送族弟單父主簿凝攝宋城主簿至郭南月橋  
却迴棲霞山留飲贈之

吾家青萍劍操割有餘閒往來糾二邑此去何時還鞍

馬月橋南光輝歧路間  
賢豪相追餞却到棲霞山羣花  
散芳園斗酒開離顏樂酣相顧起  
征馬無由攀

魯郡東石門送杜二甫

醉別復幾日登臨徧池臺何言石門路一作下重有金樽

開秋波落泗水海色明徂來飛蓬各自遠且盡林中盃

魯郡堯祠送張十四遊河北

猛虎伏尺草雖藏難蔽身有如張公子骯髒在風塵  
豈無橫腰劍屈彼淮陰人擊筑向北燕燕歌易水濱歸來

泰山上當與爾為鄰

杭州送裴大澤時赴廬州長史

吳中

西江天柱遠東越海門深去割辭親戀行憂報國心好  
風吹落日流水引長吟五月披裘者應知不取金

灞陵行送別

長安

送君灞陵亭灞水流浩浩上有無花之古樹下有傷心  
之春草我向秦人問路歧云是王粲南登之古道古道  
連縣走西京紫闌落日浮雲生正當今夕斷腸處驪歌

愁絕不忍聽

送賀監歸四明應制

久辭榮祿遂初衣曾向長生說息機真訣自從茅氏得  
恩波寧阻洞庭歸瑤臺會霧星辰滿仙嶠浮空島嶼微  
借問候棲珠樹鶴何年却向帝城飛

送竇司馬貶宜春

天馬白銀鞍親承明主歡鬪雞金宮一作閨裏射鴈碧雲  
端堂上羅巾貴歌鍾清夜闌何言謫南國拂劔坐長歎

趙璧為誰點隨珠枉被彈聖朝多雨露莫厭此行難

送羽林陶將軍

將軍出使擁樓船江上旌旗拂紫煙萬里橫戈探虎穴  
三杯拔劍舞龍泉莫道詞人無膽氣臨行將贈繞朝鞭

送程劉二侍御兼獨孤判官赴安西幕府

安西幕府多才雄喧喧唯道三數公繡衣貂裘明積雪  
飛書走檄如飄風朝辭明主出紫宮銀鞍送到金城空  
天外飛霜下葱海上火旗雲馬生光彩胡塞塵清計日歸

漢家草綠遙相待

送姪良攜二妓赴會稽戲有此贈

攜妓東山去春光半道催遙看二桃李雙入鏡中開

送賀賓客歸越

鏡湖流水漾清波

一作春始波


狂客歸舟逸興多山陰道士

如相見應寫黃庭換白鶯

送張遙之壽陽幕府

壽陽信天險天險橫荆關苻堅百萬衆遙阻八公山不

假築長城大賢在其間戰夫若熊虎破敵有餘閒張子  
勇且英少輕衛霍辱投軀紫髯將千里望風顏勗爾効  
才畧功成衣錦還



李太白文集卷十三

欽定四庫全書

集部

李太白文集卷十六至四

詳校官侍郎臣謝墉

檢討臣何思鈞覆勘

總校官庶吉士臣何思鈞

校對官中書臣李荃

謄錄進士臣唐燦

欽定四庫全書

李太白文集卷十四

唐李白撰

歌詩四十八首

送中

送裴十八圖南歸嵩山二首

何處可為別長安青綺門胡姬招素手延一作留客醉金樽臨當上馬時我獨一作因與君言風吹驚芳蘭折日

沒鳥雀喧舉手指飛鴻此情難具論同歸無早晚頰水  
有清源

君思頰水緣忽復歸嵩岑歸時莫洗耳為我洗其心洗  
心得真情洗耳徒買名謝公終一起相與濟蒼生

同王昌齡送族弟襄歸桂陽二首

一作同王昌  
齡崔國輔送

李舟歸  
郴州

秦地見碧草楚謠對清樽把酒爾何思鷗鷺啼南園余  
欲羅浮隱猶懷明主恩躊躇紫宮戀孤負滄洲言終然

無心雲海上同飛翻相期乃不淺幽桂有芳根

爾家何在瀟湘川青莎白石長江邊昨夢江花照江日  
幾枝正發東牕前覺來欲往心悠然魂隨越鳥飛南天

秦雲連山海相接桂水橫煙不可涉送君此去令人愁

風帆茫茫隔河洲春潭瓊草綠可折西寄長安明月樓

送外甥鄭灌從軍三首

六博爭雄好彩來金盤一擲萬人開丈夫賭命報天子

當斬胡頭衣錦迴

丈八蛇矛出隴西  
彎弧拂箭白猿啼  
破胡必用龍韜策  
積甲應將熊耳齊

月蝕西方破敵時  
及瓜歸日未應遲  
斬胡血變黃河水  
梟首當懸白鶲旗

送于十八應四子舉落第還嵩山

吾祖吹橐籥天人信  
森羅歸根復太素  
羣動熙元和炎  
炎四真人搞辯若濤波  
交流無時寂寥墨日成科  
夫子聞洛誦誇才才故多為  
金好踊躍久客方蹉跎道可束

賣之五寶溢山河勸君還嵩丘開酌眄庭柯三花如未  
落乘興一來過

送別

潯陽五溪水汎洄直入巫山裏勝境由來人共傳君到  
南中自稱美送君別有八月秋颯颯蘆花復益愁雲帆  
望遠不相見日暮長江空自流

送族弟綰一作琯從軍安西

漢家兵馬乘北風鼓行而一作向西破犬戎爾隨漢將一作

爾揮  
長劍出門去剪虜若草收奇功君王按劍望邊色旄頭

已落胡天空匈奴繫頸數應盡明年應驅一作入蒲萄宮

送梁公昌從信安王北征

入幕推英選捐書事遠戎高談百戰術鬱作萬夫雄起  
舞蓮華劍行歌明月宮將飛天地陣兵出塞垣通祖席  
留丹景征麾拂綵虹旋應獻凱入麟閣佇深功

送白利從金吾董將軍西征

長安

西羌延國討白起佐軍威劔決浮雲氣弓彎明月輝馬

行邊草綠旌卷曙霜飛抗手凜相顧寒風生鐵衣

送張秀才從軍

六駿食猛武心從駑馬羣一朝長鳴去矯若龍行雲壯士懷遠畧志存解世紛周粟猶不顧齊珪安肯分抱劔辭高堂將投霍冠軍長策掃河洛寧親歸汝墳當令千古後麟閣著奇勲

送崔度還吳度故人禮部員外國輔之子

幽燕

幽燕沙雪地萬里盡黃雲朝吹歸秋鴈南飛日樂羣中

有孤鳳鸕哀鳴九天聞我乃重此鳥綵章五色分胡為  
雜凡禽雞鶩輕賤君舉手捧爾足疾心若火焚拂羽淚  
滿面送之吳江漬去影忽不見躊躇日將曛

送祝八之江東賦得浣紗石

峽西

西施越溪女明豔光雲海未

一作未

入吳王宮殿時浣紗

古石

一作石古

令猶在桃李新開映古

一作杏

查菖蒲猶短出

平沙昔時紅粉照流水今日青苔覆落花君去西秦適

東越碧山清江幾超忽若到天涯思故人浣紗石上窺

明月

送侯十一

梁宋

朱亥已擊晉侯羸尚隱身時無魏公子豈貴抱關人余亦不火食遊梁同在陳空餘湛盧劍贈爾託交親

魯中送二從弟赴舉之西京

再至魯中一作送族弟錦

魯客向西笑君門若夢中霜凋逐臣髮日憶明光宮復羨二龍去才華冠世雄平衢騁高足逸翰凌長風舞袖拂秋月歌筵聞早鴻送君日千里良會何由同

奉餞高尊師如貴道士傳道錄畢歸北海

齊州

道隱不可見靈書藏洞天吾師四萬劫歷世遞相傳別  
杖留青竹行歌躡紫煙離心無遠近長在玉京懸

金陵送張十一再遊東吳

金陵

張翰黃花句風流五百年誰人今繼作夫子世稱賢再  
動遊吳棹還浮入海船春光白門柳霞色赤城天去國  
難為別思歸各未旋空餘賈生淚相顧共悽然

送紀秀才遊越

海水不滿眼觀濤難稱心即知蓬萊石却是巨鼈簪送  
爾遊華頂令余發鳥吟仙人居射的道士住山陰禹穴  
尋溪入雲門隔嶺深綠蘿秋月夜相憶在鳴琴

送長沙陳太守二首

長沙陳太守逸氣凌青松英主賜玉馬本是天池龍湘  
水迴九曲衡山望五峯榮君按節去不及一作得遠相從  
七郡長沙國南連湘水濱定王垂舞袖地窄不迴身莫  
小二千石當安遠俗人洞庭鄉路遠遙羨錦衣春

送楊蕡之東魯

卷十七

關西楊伯起漢日舊稱賢四代三公族清風播人天夫  
子華陰居閑門對玉蓮何事歷衡霍雲帆今始還君坐  
稍解顏為我一作君歌此篇我固侯門士謬登聖主筵一  
辭金華殿蹭蹬長江邊二子魯門東別來已經年因君  
此中去不覺淚如泉

送蔡山人

我本不棄世世人自棄我一乘無倪舟八極縱遠旆蕡

客期躍馬唐生安  
敢譏採珠勿驚龍  
大道可暗歸故山  
有松月遲爾翫清暉

送蕭三十一之魯中兼問稚子伯禽

六月南風吹白沙  
吳牛喘月氣成霞  
水國鬱<sub>一作蒸</sub>不

敲

可處時炎道遠無行車夫子如何涉江路  
雲帆嫋嫋金

陵去高堂倚門望伯魚  
魯中正是趨庭處  
我家寄在沙丘傍  
三年不歸空斷腸  
君行既識伯禽子應駕小車騎

白羊

送楊山人歸嵩山

我有萬古宅嵩陽玉女峯長留一片月挂在東溪松爾去掇仙草昌蒲花紫茸一作君行到此  
峯殘霞駐衰容歲晚或相訪青

天騎白龍

送殷淑三首

海水不可解連江夜為潮俄然浦嶼闊岸去酒船遙惜別耐取醉鳴榔且長謠天明爾當去應有便風飄

白鷺洲前月天明送客迴青龍山後日早出海雲來流

水無情去征帆逐吹開相看不忍別更進手中盃  
痛飲龍筇下燈青月復寒醉歌驚白鷺半夜起沙灘

送岑徵君歸鳴臯山

岑公相門子雅望歸安石奕世皆夔龍中台竟一作有三

折至人達機兆高揖九州伯奈何天地間而作隱淪客

貴道皆一作能全真潛輝臥幽鄰一作鱗探元入宵默觀化

遊無垠光武有天下嚴陵為故人雖登洛陽殿不屈巢  
由身余亦謝明主今稱偃蹇臣登高覽萬古思與廣成

鄰踏海寧受賞還山非問津西來一作終期一搖扇共拂元

規塵

送范山人歸泰山

魯客抱白雞

一作鶴

別余往泰山初行若片雪

一作杳

在青崖間高高至天門海日

一作觀

近可攀雲生望不及此

去何時還

送韓侍御之廣德令

昔日繡衣何足榮今宵貰酒與君傾暫就東山賒月色

酣歌一夜送泉明

白雲歌送友人

楚山秦山多白雲  
白雲處處長隨君  
君今還入楚山裏  
雲亦隨君渡湘水  
水上女蘿衣白雲  
早臥早行君早起  
送通禪師還南陵  
隱靜寺

我聞隱靜寺山水多奇蹤  
巖種朗公橘門深  
盃渡松道人制猛虎  
振錫還孤峯  
他日南陵下相期  
谷口逢

送友人

青山橫北郭白水遶東城此地一為別孤蓬萬里征浮雲遊子意落日故人情揮手自茲去蕭蕭班馬鳴

送別

斗酒渭城邊鑪頭醉不眠梨花千樹雪楊葉萬條煙惜別傾壺酌臨分贈馬鞭看君頰上去新月到家圓

江上送女道士褚三清遊南岳

吳江女道士頭戴蓮花巾霓裳不濕雨特異陽臺神足下遠遊履凌波生素塵尋儂向南岳應見魏夫人

送友人入蜀

見說蠶叢路崎嶇不易行山從人面起雲傍馬頭生芳樹籠秦棧春流遶蜀城升沉應已定不必訪君平

送趙雲卿

白玉一盃酒綠楊三月時春風餘幾日兩鬢各成絲秉燭唯須飲投竿也未遲如逢渭川獵猶可帝王師

送李青歸華陽川

伯陽仙家子容色如青春日月祕靈洞雲霞辭世人化

心養精魄隱几宵天真莫作千年別歸來城郭新

送舍弟

吾家白額駒遠別臨東道他日相思一夢君應得池塘生春草

送別

得書  
字

水色南天遠舟行若在虛遷人發佳興吾子訪閑居日落看歸鳥潭澄憐一作美躍魚聖朝恩賈誼應降紫泥書

送麴十少府

試發清秋興因為吳會吟碧雲斂海色流水折江心我  
有延陵劍君無陸賈金難此為別惆悵一何深

送張秀才謁高中丞

并序  
潯陽

余時繫潁陽獄中正讀留侯傳秀才張良能蘊滅胡  
之策將之廣陵謁高中丞余喜子房之風感激於斯  
人因作是詩以送之

秦帝淪玉鏡

一作六雄  
減金虎

留侯降氣氲感激黃石老經過

滄海君壯士揮金槌報讐六合聞智勇冠終古蕭陳難

與羣兩龍爭鬪時天地動風雲酒酣

一作縱橫

舞長劍倉卒

解漢紛宇宙初倒懸鴻溝勢將分英謀信奇絕夫子揚

清芬

一作夫子稱卓絕超然繼清芬

明月入紫微三光亂天文高公鎮

淮海談笑廓妖氛採爾幕中畫戯難光殊勲我無燕霜

感玉石俱燒焚但灑一行淚臨歧竟何云

尋陽送弟昌矩鄱陽司馬作

桑落洲渚連滄江無雲烟尋陽非剡水忽見子猷船了  
見欲相近來遲杳若仙人乘海上月帆落湖中天一覩

無二諾朝權更勝昨爾則吾惠連吾非爾康樂朱紱白  
銀章上官佐鄱陽松門拂中道石鏡迴清光搖扇及干  
越水亭風氣涼與爾期此亭期在秋月滿時過或未來  
兩鄉心已斷吳山對楚岸彭蠡當中州相思定如此有  
窮盡年愁

餞校書叔雲

少年費白日歌笑矜朱顏不知忽已老喜見春風還惜  
別且為懽徘徊桃李間看花飲美酒聽鳥臨晴山向晚

竹林寂無人空閉關

送王孝廉覲省

廬江

彭蠡將天合姑蘇在日邊寧親候海色欲動孝廉船窈  
窕晴江轉參差遠岫連相思無晝夜東注似長川

同吳王送杜秀芝赴舉入京

秀才何翩翩王許回也賢贊別廬江守將遊京兆天秋  
山宜落日秀木出寒煙欲折一枝桂還來鴈沼前

李太白文集卷十四

欽定四庫全書

李太白文集卷十五

唐李白撰

歌詩三十八首

送下

洞庭醉後送絳州呂使君果流澧州

江夏

昔別若夢中天涯忽相逢洞庭破秋月縱酒開愁容贈  
劍刻玉宇延平兩蛟龍送君不盡意書及鴈迴峯

與諸公送陳郎將歸衡陽

并序

仲尼旅人文王明夷苟非其時聖賢低眉况僕之不肖者而遷逐枯槁固非其宜朝心不開暮髮盡白而登高遠使人增愁陳郎將義風凜然英思逸發來下曹城之榻去邀才子之詩動清興於中流泛素波而徑去諸公仰望不及連章祖之序慙起予輒冠名賢之首作者嗤我乃為撫掌之資乎

衡山蒼蒼入紫冥下看南極老人星迴飈吹散五峯雪

往往飛花落洞庭氣清嶽秀有如此郎將一家拖金紫  
門前食客亂浮雲世人皆比孟嘗君江上送行無白璧  
臨歧惆悵若為分

江夏送倩公歸漢東

并序

謝安四十臥白雲於東山桓公累徵為蒼生而一起  
常與支公遊賞貴而不移大人君子神冥契合正可  
乃爾僕與倩公一面不忝古人言歸漢東使我心痴  
夫漢東之國聖人所出神農之後季梁為大賢爾來

寂寞無一物可紀有唐中興始生紫陽先生先生六十而隱化若繼跡而起者惟倩公馬蓄壯志而未就期老成於他日且能傾產重諾好賢攻文即憲休上人與江鮑往復各一時也僕平生述作罄其草而授之思親遂行流涕惜別今聖朝已捨季布當徵賈生開顏洗目一見白日冀相視而笑於新松之山耶作小詩絕句以寫別李白辭

路入漢東國川藏明月輝寧知喪亂後更有一珠歸

送趙判官赴黔府中丞叔幕

廓落青雲心結交，黃金盡富貴，翻相忘。令人忽自哂，  
蹭鬢毛斑盛。時難再還巨源咄，石生何事馬蹄間。綠蘿  
長不厭，却欲還東山。君為曾子拜揖高堂裏，繼趙  
平原偏承明。主恩風霜推一作摧，獨坐旌節鎮雄藩。虎士  
秉金鉞，蛾眉開玉樽。才高幕下去，義重林中言。水宿五  
溪月，霜啼三峽猿。東風春草綠，江上候歸軒。

送陸判官往琵琶峽

水國秋風夜殊非遠別時長安如夢裏何日是歸期

送梁四歸東平

玉壺挈美酒送別強為歡大火南星月長郊北路難殷  
王期負鼎汶水起垂竿莫學東山臥參差老謝安

江夏送友人

雪點翠雲裘送君黃鶴樓黃鶴振玉羽西飛帝王鳳  
無琅玕實何以贈遠遊徘徊相顧影淚下漢江流

送郗昂謫巴中

瑤草寒不死移植滄江濱東風灑雨露會入天地一作池

春予若洞庭葉隨波送逐臣思歸未可得書此謝情人

江夏送張丞

欲別心不忍臨行情更親酒傾無限月客醉幾重春藉  
草依流水攀花贈遠人送君從此去迴首泣迷津

賦得白鷺鷫送宋少府入三峽

白鷺拳一足月明秋水寒人驚遠飛去直向使君灘

送二季之江東

初發強中作題詩與惠連多慙一日長不及二龍賢西  
塞當中路南風欲進舟雲峯出遠海帆影挂清川禹穴  
藏書地匡山種杏田此行俱有適遲爾早歸旋

江西送友人之羅浮

南昌

桂水分五嶺衡山朝九疑鄉關眇安西流浪將何之素  
色愁明湖秋渚晦寒姿疇昔紫芳意已過黃髮期君王  
縱疎散雲壑借巢夷爾去之羅浮我還憩峨眉中澗道  
萬里霞月遙相思如尋楚狂子瓊樹有芳枝

宣州謝朓樓餞別校書叔雲

一作陪侍御  
叔華登樓歌

棄我去者昨日之日不可留亂我心者今日之日多煩  
憂長風萬里送秋鴈對此可以酣高樓蓬萊文章建安  
骨中間小謝又清發俱懷逸興壯思飛欲上青天一作雲

覽明月抽刀斷水水更流舉杯消愁愁更一作復愁人生

一作兒在世不稱意明朝散髮弄扁舟一作還滄洲

宣城送劉副使入秦

君即劉越石雄豪冠當時淒清橫吹曲慷慨扶風詞虎

嘯侯騰躍雞鳴遭亂離千金市駿馬萬里逐王師結交  
樓煩將侍從羽林兒統兵捍吳越豺虎不敢窺大勲竟  
莫敘已過秋風吹秉鉞有季公凜然負英姿寄深且戎  
幕望重必台司感激一然諾縱橫兩無疑伏奏歸北闕  
鳴騶忽西馳列將咸出祖英寮惜分離斗酒滿四筵歌  
笑宛溪渭君攜東山妓我詠北門詩貴賤交不易恐傷  
中園葵昔贈紫駒今傾白玉卮同驩萬斛酒未足解  
相思此別又千里一作此外別千里 秦吳渺天涯月明關山苦

水劇隴頭悲借問。幾時還春風入黃池。無令長相思折  
斷綠楊枝。

涇川送族弟錦

時盧校書草序  
常侍御為詩

涇川三百里若耶。羞見之錦石照碧山。兩邊白鷺鷥。佳  
境千萬曲。客行無歇時。上有琴高水下有陵陽。祠仙人。  
不見我明月。空相知。問我何事來。盧敖結幽期。蓬山振  
雄筆。繡服揮清詞。江湖發秀色。草木含榮滋。置酒送惠  
連。吾家稱白眉。愧無海嶠作。敢闢河梁詩。見爾復幾朝。

俄然告將離中流漾綠鷁列岸叢金羈歎息蒼梧鳳分  
棲瓊樹枝清晨各飛去飄落天南垂望極落日盡秋深  
暝猿悲寄情與流水但有長相思

五松山送殷淑

秀色發江左風流奈若何仲文了不還獨立揚清波載  
酒五松山頽然白雲歌中天度落月萬里遙相過撫酒  
惜此月流光畏蹉跎明日別離去連峯鬱嵯峨

送崔氏昆季之金陵

一作秋夜崔八  
丈水亭送崔二

放一作吳

歌倚東樓行子期曉發秋風渡江來吹落山上

月主人出美酒滅燭延清光二崔向金陵安得不盡觴  
水客弄歸棹雲帆卷輕霜扁舟散亭下五兩先飄揚峽  
石入水花碧流日更長思君無歲月西笑阻河梁

登黃山陵歎臺送族弟溧陽尉濟充一作統汎舟

赴華陰

當塗

鸞乃鳳之族翹翔紫雲霓文章輝一作耀五色雙在瓊樹  
樓一朝各飛去鳳與鸞俱啼炎赫五月中朱曦爍河堤

爾從汎舟役使我心魂悽秦地無草木南雲喧鼓鼙君  
王減玉膳早起思鳴鷄漕引救闢輔疲人免塗泥宰相  
作霖雨農夫得耕犁靜者伏草間羣才滿金闈空手無  
壯士窮居使人低送君登黃山長嘯倚一作定上天梯小舟

若鳬鴈大舟若鯨鯢開帆散長風舒卷與雲齊日入牛  
渚晦蒼然夕煙迷相思在何所一作定何許杏在洛陽西

送儲邕之武昌

黃鶴西樓月長江萬里情春風三十度空憶武昌城送

爾難為別銜杯惜未傾湖連張樂地山逐汎舟行諾謂  
楚人重詩傳謝朓清滄浪吾有曲寄入棹歌聲

詒答上

詒談少府

襄漢

一尉居條忽梅生有仙骨三事或可羞匈奴哂千秋壯  
心屈黃綬浪跡寄滄洲昨觀荆峴作如從雲漢遊老夫  
當暮矣蹀足懼驛駘

詒宇文少府見贈桃竹書筒

桃竹書筒綺繡文良工巧妙稱絕羣靈心圓映三江月  
彩質疊成五色雲中藏寶訣峨眉去千里提攜長憶君

五月東魯行答汶上翁

魯中

五月梅始黃一作未蠶凋桑柘空魯人重織作機杼鳴

簾櫳顧余不及仕學劎來山東舉鞭訪前塗獲笑汶上  
翁下愚一作宵人忽壯士未足論窮通我以一箭書能取聊

城功終然不受賞羞與時人同西歸去直道落日昏陰

虹此一作我去爾勿言甘心如轉蓬

早秋單父南樓訓竇公衡

白露見日滅紅顏隨霜凋別君若俯仰春芳辭秋條泰山  
山峩峩夏雲在疑是白波漲東海散為飛雨川上來遙  
帷却卷清浮埃知君獨坐青軒下此時結念同懷者我  
閉南樓著道書幽簾清寂若仙居曾無好事來相訪賴  
爾高文一起予

山中答俗人

一云  
答問

問余何意

事一作

棲碧山笑而不答

一作語

心自閒桃花流

水宿

一作宛

然去別有天地非人間

荅友人贈烏紗帽

領得烏紗帽全勝白接離山人不照鏡稚子道相宜

訓張司馬贈墨

吳中

上黨碧松煙夷陵丹沙末蘭麝凝珍墨精光乃堪掇黃  
頭奴子雙鷄鬟錦囊養之懷袖間今日贈余蘭亭去興  
來灑筆會稽山

荅湖州迦葉司馬問白是何人

青蓮居士謫仙人酒肆藏名三十春湖州司馬何須問  
金粟如來是後身

答長安崔少府叔封遊終南翠微寺太宗皇帝

金沙泉見寄

長安

河伯見海若傲然誇秋水小物暗遠圖寧知通方士一作

寧識通方理

多君紫霄意獨往蒼山裏地古寒雲一作雪深巖

高長風起初登翠微嶺復憩金沙泉踐苔朝霜滑弄波

夕月圓飲彼石下流一作潭結蘿宿谿烟鼎湖夢渌水龍

駕空一作何茫然早行子午間

一作開又作峯

却登山路遠一作却歎

山路遠又作  
頗識關路遠

拂琴聽霜猿滅燭乃星飯人烟無明異鳥

道絕往返攀崖倒青天

一作到青山

下視白日晚既過一作遇

石門隱還唱

一作聞

石潭歌涉雪寧紫芳

一作采紫莖

濯纓想

一作拗斯人不可見此地君自過為余謝風泉

其如幽意何

贈李十二左司郎中崔宗之

附

涼秋八九月白露空園庭耿耿意不暢捎捎一作悄悄風葉

聲思見雄俊士共話今古情李侯忽來儀把袂苦不早  
清論既抵掌玄談又絕倒分明楚漢事厯厯王霸道擔  
囊無俗物訪古千里餘袖有七首劍懷中茂陵書雙眸  
光照人詞賦凌空虛酌酒絃素琴霜氣正凝潔平生心  
事中今日為君說我家有別業寄在嵩之陽明月出高  
岑清溪澄素光雲散窓戶靜風吹松桂香子若同斯遊  
千載不相忘

酬崔五郎中

朔雲橫高天萬里起秋色壯士心飛揚落日空歎息長  
嘯出原野凜然寒風生幸遭聖明時功業猶未成奈何  
懷良圖鬱悒獨愁坐一作空獨坐杖策尋英豪立談乃知我

崔公生人秀彌邈青雲姿制作參造化託諷含神祇海  
嶽尚可傾吐諾終不移是時霜飈寒逸興臨華池起舞  
拂長劍四座皆揚眉因得窮歡情贈我以新詩又結汗  
漫期九垓遠相待舉身憩蓬壺濯足弄滄海從此凌倒  
景一去無時還朝遊明光宮暮入闇闔關但得長把袂

何必嵩丘山

以詩代書答元丹丘

青鳥

一作鳥

海上來今朝發何處口銜雲錦字

一作書

與我

忽飛去鳥去凌紫煙書留綺窓前開緘

方時

一笑乃

是故人傳故人深相勗憶我勞心曲離居在咸陽三見

秦草綠置書雙袂間引領不斂闋長望

一作歎

杳難見浮

雲橫遠山

金門答蘇秀才

君還石門日朱火始改木春草如有情山中尚含綠折芳愧遙憶永路當自助遠見故人心平生以此足巨海納百川麟閣多才賢獻書入金闕酌醴奉瓊筵屢忝白雲唱恭聞黃竹篇恩光煦拙薄雲漢希騰遷銘鼎儻云遂扁舟方渺然我留在金門君去臥丹壑未果三山期遙欣一丘樂玄珠寄罔象赤水非寥廓願狎東海鷗共營西山藥柄巖君寂蔑處世余龍蠖願狎東海鷗共應閒居鳥吟簷間樹花落窓下書緣谿見綠篠隔岫窺

紅蕖採薇行笑歌眷我情何已月出石鏡間松鳴風琴  
裏得心自虛妙外物空頽靡身世如兩忘從君老煙水

訓坊州王司馬與閻正字對雪見贈

陝右

遊子東南來自宛適京國飄然無心雲倏忽復西北訪  
戴昔未偶尋嵇此相得愁顏發新歡終宴敘前識閻公  
漢庭舊沉鬱富才力價重銅龍樓聲高重門側寧期此  
相遇華館陪遊息積雪明遠峯寒城泣春色主人蒼生  
望假我青雲翼風水如見資投竿佐皇極

訓中都小吏攜斗酒雙魚於逆旅見贈

齊魯

魯酒若琥珀一作琥珀色 汝魚紫錦鱗山東豪吏有俊氣手  
擣持一作持此物贈遠人意氣相傾兩相顧斗酒雙魚表情

素酒來我飲之鱠作別離處雙鯷呀呷鮚鬚張撥刺銀  
盤欲飛去呼兒拂机霜刃揮紅肌花落白雪霏為君下  
筋一餐飽一作罷醉著金鞍上一作走馬歸

訓張卿夜宿南陵見贈

月出魯城東明如天上雪魯女驚莎鷄鳴機應秋節當

君相思夜火落金風高河漢挂戶牖欲濟無輕舠我昔  
辭林丘雲龍忽相見客星動太微朝去洛陽殿爾來得  
茂彥七葉仕漢餘身為下邳客家有圯橋書傳說未夢  
時終當起巖野萬古騎辰星光輝照天下與君各未遇  
長策委蒿萊寶刀隱玉匣鏽澁空莓苔遂令世上愚輕  
我土與灰一朝攀龍去龜黿安在哉故山定有酒與爾  
傾金罍

詒岑勛見尋就元丹丘對酒相待以詩見招

黃鶴東南來寄書寫心曲倚松開其緘憶我腸斷續不  
以千里遙命駕來相招中逢元丹丘登嶺宴碧霄對酒  
忽思我長嘯臨清飈塞余未相知茫茫綠雲垂俄然素  
書及解此長渴饑策馬望山月途窮造堦墀喜茲一會  
面若覩瓊樹枝憶君我遠來我歡方速至開顏酌美酒  
樂極忽成醉我情既不淺君意方亦深相知兩相得一  
顧輕千金且向山客笑與君論素心

答從弟幼成過西園見贈

一身自瀟灑萬物何囂喧拙薄謝明時棲閒歸故園二  
季過舊壑四鄰馳華軒衣劍照松宇賓徒光石門山童  
薦珍果野老開芳樽上陳樵漁事下敘農圃言昨來荷  
花滿今見蘭若繁一笑復一歌不知夕景昏醉罷同所  
樂此情難具論

詶王補闕翼惠莊廟宋丞泚贈別

學道三十春自言羲皇人軒蓋宛若夢雲松長相親偶  
將二公合復與三山鄰喜結海上契自為天外賓鸞翮

我先斂龍性君莫馴樸散不尚古時訛皆失真勿踏荒  
溪坡竭來浩然津薜帶何辭楚桃源堪避秦世迫使離  
別心在期隱淪訥贈非炯誠永言銘珮紳

李太白文集卷十五